

Ranzmbanj Lungzfungh Lwgloux Rangfwd



△Gak singz Unghniuzdwz Giz ndeu.



▲Vaenlaex gwnz diegnwj.



▲Haeuxnaz baenz sou lo.



▲Gyoengq vunz Mbanlungz sim coh Dangj.

Gizneix, aenvih oknamh “duz lungz daih’ it Cunghvaz” caeuq “duz fungh daih’ it Cunghvaz” cix ndaej aen mingzdaeuz “ranzmbanj lungzfungh”.

Gizneix, 27 aen minzczu, 48 fanh boux beixnuengx doxndiep doxgyaez, doxbang doxcoengh, youq gwnz diegnamh 1.2 fanh bingzfueng goengleix neix caezcaemh doxgiet buekguh, caezcaemh mwnhoengh hwngfat.

Gizneix, couhdwg Neimungzguj Sw-cigih Cizfungh Si Unghniuzdwz Giz miz aen mingzdaeuz ndei “cawndongq diegsa” neix.

Unghniuzdwz Giz itloh aeu gij saehnieb minzczu doxgiet baenaj dangguh gaiq hong youqgaenj ciengxlwenx bae guh, aeu couqmaenh gij eiqsik caezcaemh Cunghvaz Minzczu guh sienqmeh, hopheux “cauhlaeb aen giz guhyiengh daengx guet minzczu doxgiet baenaj” guh gak hangh hong, baengh cauhlaeb coenghrenez hwngfat, baengh hwngfat hawjrenez cauhlaeb, gak minzczu lumj ngveihsigloux nei got ndaet caez youq, raiz bien faenzcieng ndei minzczu doxgiet baenaj seizdaih moq.

Unghniuzdwz Giz itloh dawzcinj cwngei fuengyiengq caeuq daj daengxbuenz bae doinyoengx hong cauhlaeb minzczu doxgiet baenaj, aeu couqmaenh gij eiqsik caezcaemh Cunghvaz Minzczu caeuq hong cauhlaeb minzczu doxgiet baenaj doxyungz hwnjdaeuj, haeujlaeg doinyoengx cauhlaeb minzczu doxgiet baenaj caeuq gak aen gizdieg doxyungz hwnjdaeuj, mboujduenh gitfat gij rengzndumj gak gaep dangcujciz caeuq gak cuz ganbu ginzcung guh cauhlaeb, caeuqfaenh cauhlaeb, doinyoengx gij saehnieb minzczu doxgiet baenaj guh ndaej onj, byaij ndaej gyae.

Ranzmbanj lungzfungh, lwgloux rangfwd. Gwnz roen moq, ranzmbanj lungzfungh Unghniuzdwz Giz gak cuz beixnuengx yaek doxndiep doxgyaez, doxbang doxcoengh, caezcaemh doxgiet buekguh, caezcaemh mwnhoengh hwngfat, youq gwnz roen gij saehnieb minzczu doxgiet baenaj enj aek byaij baenaj!

(Ngozwjdunhduhlwngj Cinz Lizminz Vangz Yinz/额尔敦都冷 陈立民 黄云)



▲Hagseng gak cuz fwngz daz fwngz diuqfoux.



▲Hagseng gak cuz doxcaez diuqfoux.



▲Langhbaj ndangdaenj Unghniuzdwz Giz.